

COPIE EBAKISAMI: KOLAKISA NZELA NA MAYE MATALI KOSANGANA NA BANINGA PE KOMESANA MBOKA

### **Ba sango na maye matali mwango ya bosangani pe ya komesana mboka mpo na yo moto ozali kokota na kati ya programme ya introduction**

#### **Na oyo etali mwango na yo ya kosangana na basusu pe komesana mboka**

- Yo pe komine esika ovandi bokosala mosala elongo mpo ya ko bongisa mwango na yo ya ko sangana na ba mosusu pe komesana mboka mpo na ko zala na yo na kati ya programme ya introduction. Ko zala na yo na kati ya programme ya introduction eko salisa yo ko koka ko yeba malamu munoko ya norvégien, ko yeba malamu bizaleli ya mboka pe ko vandisa malamu makoki oyo masengami na yo na maye matali ko luka pe ko sala musala na mboka oyo. Ntina ya nyoso oyo ezali ete o koka, na ebandeli, ko sangana na ba mosusu pe ko mesana mboka, pamba te ko miyeba yo moko na maye matali mbongo na bomoyi.

#### **Kotala mobimba ya makoki na yo**

- Liboso ya kobongisa mwango na yo ya ko sangana na ba mosusu pe komesana mboka, ozali na mokano pe mokumba ya ko sala mosala ya ko lakisa mobimba ya makoki na yo. Mobimba ya makoki na yo oyo esengami awa ezali kotalela minoko boni ollobaka, kelasi boni otanga, misala nini osala na bomoyi na yo, pamba te nyoso oyo oyebi pe oyo okoki.

#### **Bolakisi nzela ya ko zwa pe ko batela musala**

- Ozali na mokano pe mokumba ya koleka na bolakisi-nzela ya ko zwa pe ko batela mosala.  
Bolakisi nzela ya ko zwa pe ko batela mosala eko pesa yo ba sango ebele oyo eko salisa yo ko koka ko bongisa nzela na yo ya musala to ya kelasi.

#### **Maye mazali na kati ya mwango na yo ya ko sangana na basusu pe ko mesana mboka**

- Mwango ya ko sangana na basusu pe ko mesana mboka esengeli etondisama na mokano na yo ya libosoliboso na bomoyi pe mokano na yo na maye matali kotanga munoko ya norvégien, ko bongisa plan ya ko yekola, ko yeba ntango boni o koki kosala na kati ya programme oyo, pe ko yeba ndenge nini okoki ko boyo oyo bazosala po na yo soki osepeli na yango te.  
Mwango na yo eko landela mobimba ya makoki na yo na maye matali kelasi otonga, misala osala, makoki nyoso oyo ozali na yango na maye matali kosala musala na bomoyi, pe na ba sango mosusu etali yo pe oyo eko zala na ntina.

Programme oyo ya introduction esengeli etondisama na maye malandi:

- a) ko yekola munoko ya norvégien
- b) ko yekola mibeko na bizaleli ya mboka
- c) mayekoli ya botambwisa bomyi na yo

d) makambo mosusu ebele oyo etali musala pe ko tanga kelasi. Bato nionso na kati ya programme ba oyo bazali na bana oyo nano bakokisi mbula 18 te, esengeli bakota na eteyelo ya kolakisa lolenge ya kozala moboti malamu na mboka oyo..

Programme yango ya introduction ezo kende mbula mobimba pe eza ya kosalema mikolo nionso ya misala (lundi – vendredi) banda tongo ti pokwa.

### **Mokano na yo ya libosoliboso**

- Komine esika ovandaka bango batu bako bongisa mokano na yo ya libosoliboso na maye matali ko zala nayo na kati ya programme ya introduction. Kelasi otanga banda kala, yango wana eko salisa bango ko ponela yo mokano wana ya libosoliboso.

### **Mokano ya kotanga monoko ya norvégien**

- Baye bakotaka na eteyelo ya koyekola munoko ya norvégien esengeli ba koma na niveau moko boye ya boyebi ya munoko. Bakonzi ya komine na ba oyo ya province bakobongisa boyekoli wana mpo ba oyo nyoso bazali na kati ya koyekola ba koka ko koma koyeba monoko na niveau oyo endimami.

### **Kolandela pe koyeba lolenge nini mwango ya ko sangana na ba mosusu pe komesana mboka ekendaki**

- Na ndenge boyekoli wana ezo kende liboso, bakonzi ya komine bako banda ko bongisa masolo ntango nyoso na yo po ya ko yeba ndenge nini mwango na yo ya ko sangana na ba mosusu pe ko mesana mboka ezo kende. Soki emonani ete ozo landa te mwango na yo ya ko sangana na ba mosusu pe ko mesana mboka, to soki olingi ko bongola mwango na yo, eko senga okende na bombangu ko solola na moto oyo azo konza yo na programme.

### **Olingi o milelalela po eza na eloko moko boye ozo sepela na yango te na kati ya mwango na yo ya ko zala na basusu pe komesana mboka?**

- Okoki ko milelalela soki osepeli te na boyekoli ya munoko to na maye matondisami na mwango na yo ya ko zala na basusu pe ko mesana mboka.

### **Soki olingi ko milelalela na oyo ezo sepelisa yo te, okosala yango boye:**

- Tinda mukanda ya ko milelalela liboso ba poso misatu nanu ekomi te banda mukolo ozwaki mukanda ya maye matondisi mwango na yo ya intégration
- Mukanda wana ya ko milelalela oko tinda yango na bureau ya komine oyo ezwaki mokano ya maye mako tondisa mwango na yo ya ko sangana na basusu pe ko mesana mboka
- Koma na bokebi oyo nyoso ozali ko milelalela likolo na yango
- Eko senga otya loboko na mukanda na yo wana

Okoki pe kotinda moto mosusu pe ko pesa ye makoki ya ko milelalela po na yo. Po moto mosusu azwa mokano ya ko koma mukanda ya ko milelalela na kombo na yo, ekosenga o koma mukanda ya kopesa moto yango mokano wana. Na

mukanda yango, oko loba na bokebi oyo nyoso ondimeli moto yango asala na kombo na yo. Soki ozali na avocat eza na ntina te opesa makoki wana na moto mosusu.

**Bisika nini okoki kozwa ba sango mosusu na maye matali mwango ya kosangana na basusu pe komesana mboka ?**

Ba sango ebele na maye matali mwango ya ko sangana na basusu pe ko mesana mboka okoki komona yango na kati ya mobeko ya mboka na maye matali ko sangana na basusu pe ko mesana mboka. Mobeko wana na mikanda ekweyisaki yango oko kuta yango na site oyo: [www.imdi.no](http://www.imdi.no), pamba te na esika oyo:  
[Kompetanse Norge nettsider](#).

Totombeli bino makila malamu ya kolonga mayekoli !